

18. maj 2015

Inatsisartut Suleriaasianni § 37 naapertorlugu Naalakkersuisunut apeqquteqaatit imaattut saqqumiuppakka:

1. Illuut A/S inissiaataasa Agerskov Consulting-imut allaffisornikkut aqunneqarnerat qanoq periuseqarluni nuunneqarnera ingerlanneqarsimava?
2. Inatsisit suut toqqammavigalugit Illuut A/S inissiaataasa Agerskov Consulting-imut allaffisornikkut aqtassanngortinnejarp?
3. Illuut A/S siulersuisui – Namminersorlutik oqartussaneersut atorfilitat – Nalakkersuisunut akuersissummik piniaqqaarsimappat inissiaatit allaffisornikkut aqunneqarnerat Agerskov Consulting-imut nuutsinnagit?
4. Illuut A/S-ip Namminersorlutik oqartussat illuutaanik allaffissornikkut aqunneqarnissaannut piumasaqaatit inatsisit atuuttuni allassimasut najoqqutaralugit Agerskov Consulting-imut nuunnejarp?
5. Illuut A/S inissiaataanik allaffissornikkut aqutsinissamik Agerskov Consulting-imut tunniussinermi, sanaartornermi neqeroortitsisarneq pillugu inatsisartut inatsisaat aamma/imaluunniit nioqqutissanik sullissinermillu pisiniarnermi kaajallaasitaq Namminersorlutik suliffeqarfiutaannullu atuuttoq najoqqutaralugu tunniunnejarp?
6. Illuut A/S inissiaataasa allaffisornikkut aqunneqarneranut suut piumasaqaatit tunngavigalugit Agerskov Consulting-imut nuunnejarp?
7. Agerskov Consulting siusinnerusukkut sanaartornerup iluani suliaqareersimava aamma/imaluunniit illuutinik allaffissornikkut Namminersorlutik oqartussat sinnerlugit suliaqareersimava, taamaassimappat suliassat suut pinejarp, qanorlu annertutigisimappat?

(Inatsisartuni ilaasortaq Jess Svane, Siumut)

Tunngavilersuutit

Aprilip aallaqqaataani 2015, Agerskov Consulting Nuummi siunnersuisarfik namminersortoq, Illuut A/S inissiaatai attartortittakkat aqutarilerpaat. A/S inissiaatileqatigiiffik INI, Illuut A/S-ip inissiaatai attartortittakkat 2015-imi aprilip aallaqqaataata tungaanut tigummereersimallugit.

formål er, at opføre og eje, subsidiært sælge

Illuutileqatigiit Illuut A/S Namminersorlutik oqartussanit 100 procentimik pigineqarpoq. Piginneqatigiiffiup siunertaraa, illuutortitsisarnissaq pigisaqarnissaq, illuutinik tuniniaasinnaaneq ilanngullugu immaqaluunniit illuutiminik attartortitsinermik suliaqarluni. Piginneqatigiiffik illuutinik allaffisornermk sullissinermillu ingerlataqassangilaq.

Piginneqatigiiffiup siulersuisusa ilaasortaaniipput inuit pingasut. Siulersuisut pisortassanik ulluinnarni aqutsisussanik toqqaasarput. Piginneqatigiiffiup siulersuisui ulluinnarnilu aqutsisiui Namminersorlutik Oqartussani atorfilittanik ilaasortaqarpoq.

Namminersornerullutik Oqartussat 100 %-imik namminneq pigisaa A/S Inissiaatileqatigiiffik INI 1993 Inatsisartut peqqussutaa toqqammavigalugu aalajangersarneqarneratigut pilersinneqarpoq. Ingerlatseqatigiiffik piginneqatigiiffiit (aktieselskab) pillugit inatsisit inatsisillu allat piginneqatigiiffiinut atuuttut Kalaallit Nunaanni atuutilersinneqarsimasut naapertorlugit ingerlanneqarpoq. Naalakkersuisut siulersuisunut ilaasortassanik pingasunik toqqaasarput, sulisut sinniisissaminnik marlunnik toqqaasarlutik, siulersuisunut toqqaasarneq piginneqatigiiffiit pillugit iantsit naatorlugu pisarpoq.

Piginneqatigiiffiup pilersinneqarneratigut pisortat illuutaannik allaffissorneq suliassallu tassunnga attuumassutilit Namminersornerullutik Oqartussat inissianut aqutsiveqarfianiit kommunillu inissiat siornatigut ingerlatarisimasai piginneqatigiiffimmut ingerlatassanngortinneqarput. Januarip aallaqqaataani 1995 A/S Inissiaatileqatigiiffik INI Namminersornerullutik/Namminersorlutik Oqartussat inissiaatai attartortikkat allaffissornikkut ingerlatilerpai, taaamatuttaaq kommunet amerlanerit pigisaat ilanngullugit.

Pisortani allaffissornikkut oqartussaqarfiiit inatsisitigut malittarisassat ingerlatsinermi inatsisit atuuttut najoqqutaralugit piumasaqaatit naapertorlugit ingerlatsinissaq pisussaaffigivaat. Tamassuma kinguneranik ingerlatsiviit sulianik ingerlatsineri aalajangiinerilu inatsisinik peqqussutinillu il.il. Inatsisartut aalajangigaanik toqqammaveqassapput.

Inuaqatigiinnit pisortat allaffeqarfissuinut tatiginninneq qulakkeersimaneqassappat toqqortunngitsumik ersarissumillu ingerlatsinissaat, Naalakkersuisut atorfilittaallu sulanut soqtigisalinnit aksussaatineqarsinnaanerat qulakkeerumallugu.

Inissiaatileqatigiiffimmik pilersitsiniarnermi Inatsisartut Peqqussutaatigut aalajangersarneqarpoq, Inissiaatileqatigiiffiup Namminersornerullutik/Namminersolrutik Oqartussat illuutaannik allaffisornermik ulluinnarnilu ingerlatsinermik nakkutiginnittuussasoq, soorluttaaq piginneqati- giiffiup kommunit illuutaanik attartortitakkanik allaffissornikkut nakkutiginnissinnaatitaasut kommuninik isumaqateqarnikkut.

2009-imi Inatsisartut Neqerooruteqartarnermut Inatsisit isumaqatigiissutigaat. Neqerooruteqartarnermut Inatsisip inatsit naapertorlugu uku atuuffissarai:

“§ 1. Sanaartugassat suliarineqarnissaannut, imaluunniit sanaartugassat pilersaarutitalerlugit suli-arineqarnissaannut neqerooruteqartitsisarnermut, aammalu suliakkiissutinik tunniussisarnermut inatsit atuuppoq.

Imm. 2. Neqerooruteqartitsisartunut ukununnga inatsit atuuppoq:

- 1) *Namminersorlutik Oqartussat, ingerlatseqatigiiffit Namminersorlutik Oqartussanit aalajangiisar-nikkut sunniuteqarfigisinnaasaat kiisalu kommunini oqartussaasut,*
- 2) *Neqerooruteqartitsisut allat, pisortanit tapiiffigineqarlutik sanaartugassanik neqerooruteqartitisut, tassungalu quarnaveeqqusiuissutit.”*

Tamakkua saniatigut Namminersorlutik Oqartussat allaffeqarfissuini taakkualu ataani ingerlatsivini nioqquissanik sullissinermilu pisiniarnermi kaajallaasitaqarpoq. Kaajallaasitatigut aalajangersarneqarpoq, qitiusumik allaffeqarfiup nioqquissanik aalajangersimasunik sullissinissamillu pisiniar niaraangami kaajallaasitaq naapertorlugu neqeroortitsisassasoq.